

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Atlas minor Gerardi Mercatoris

Mercator, Gerhard

Amsterodami, 1610

Abissinorum regnum

[urn:nbn:de:bsz:31-118360](https://nbn-resolving.org/urn:nbn:de:bsz:31-118360)

Abissinorum Regnum.

394

Regio.

Abissinorum Regnum

Situs.

Solifertilitas.

Animalium va-
rietas.

ABISSINORUM Regnum, *Æthiopia quæ sub Ægypto*, Ptol. dicitur. Ejus Princeps Mauris *Afelabassi*, lingua *Æthiopica Joannes Belul*, quod est altus, seu pretiosus non Presbyter, ut quorundam fert opinio, dicitur. Hic se Davidis ortum stemmate gloriatur: utitur autem plerumque istiusmodi inscriptione. N. N. *Supremus meorum Regnorum, a Deo unice dilectus, Columna fidei, ortus ex stirpe Juda, Filius, David, Filius Salomonis, Filius Columnæ Sionis, Filius ex semine Jacob, Filius manus Mariæ, Filius Nahu secundum carnem, Filius Sanctorum Petri & Pauli secundum gratiam, Imperator Superioris & Minoris Æthiopiæ, & amplissimum Regnorum, Jurisdictionum & Terrarum, Rex Noë, Caffares, Fatiger, Angole, Baru, Balignaza, Adea, Vangua, Goyama, ubi Nili fontes, & c.* Hic inter maximos nostræ ætatis Monarchas procul dubio censendus, ut qui inter utrumque Tropicum a Mari Rubro ad Æthiopicum fere Oceanum pertingat. Et ut aliquanto accuratius ejus Imperii terminos describamus: a Septentrione habet Ægyptum (quæ subest Turcis) vicinam: ab Ortu ad Mare Rubrum & Sinum Barbaricum ex parte pertinet: a Meridie Lunæ Montibus a Natura vallatur: ab Occasu vero Regno Congi, Nigro Amue, Nubiæ Regno & Nilo flumine terminatur. Quibus terminis Veterum Æthiopiæ sub Ægypto cognominatam, Troglodyticam, & Cinnamomiferam regionem, & Libyæ Interioris partem videtur comprehendere. Regio ipsa in universum (ut ex recentioribus qui eam lustrarunt, constant) fertilissima. Ætas ibi gemina est in anno, & ferme perpetua: ut uno tempore in aliis agris fiat sementis, in aliis vero messis. Alicubi singulis mensibus novæ Fruges, Legumina præsertim feruntur. Triticum quidem regio parce producit: Hordeum vero, Milium, Sesamum, Ciceres, Fabas, aliaque Legumina copiosissime profert: quorum nonnulla nobis ignota sunt. Hebeno Perfico & Siliquaastro abundat. Aromata Piperis, Cinnamomi & Gingiberis hic leguntur. Saccharum etiam in arundinibus copiose producit, sed ipsum coquere & expurgare non norunt. Vites istic multæ sunt, Vini tamen hic nullus usus, præterquam in aula Regis & magni Patriarchæ. Mala medica, Citrea & limones magna copia hic sponteveniunt: Mellis item immensa vis. Nam Apes etiam in ipsis hominum habitationibus nutriuntur: unde Ceræ tantam conficiunt copiam, quæ toti Regioni ad candelas conficiendas sufficiat absque Sevi usu. Linum habet etiam hæc Regio, sed Incolæ artem ex ipso telas conficiendi nesciunt, atque magna ex parte pannos suos ex Gossypio sibi parant, cujus hic magnus est proventus. Metalla habent Auri, Argenti, Æris, sed ea non expurgant, artem ignorantes. Habet insuper hæc Regio omnis fere generis Animalia, & Aves: uti sunt Elephantes, Leones, Tigres, Pardales, Lynces, Rhinoceroses,

Imperium mo-
rum.

cerotes, Meles, Simiæ & Cervi (quod contra Veterum opinionem, qui negant Africam alere hoc Animal) Bo-
ves, Oves, Capræ, Asini, Cameli, Equi, Sapissime etiam hic a locustis mirum in modum infellantur. Olim a Re-
ginis duntaxat gubernata hæc Regio fuit. Vnde in historia veteris Testamenti legimus venisse ad Salomonem
Regem, Aultri Reginam de Saba, audiendi causa admirandam ejus sapientiam, circiter annum mundi 2954.
Nomen Reginæ huic fuit *Maqueda*. Credunt Æthiopiæ Reges ex Davidis stirpe, & Salomonis familia sese pro-
creatos esse. Idcirco se Filios Davidis & Salomonis, atque adeo Sanctorum Patriarcharum appellare solent,
quod ex eorum semine orti sint Nam ex Salomone filium suscepisse *Maquedam*, illam fingunt, quem *Melech*
nominavit. Postea *David* fuit dictus. Is secundum eorum commentum, cum annum ætatis vigesimum atti-
gisset, ad Salomonem Patrem & Præceptorem a Matre remissus, ut doctrina & sapientia utili ac salutari ab eo
imbueretur. Quod simul atque assecutus fuit *Melech* seu *David*, permissa Salomonis, Sacerdotes & Comites
Nobiles multos de singulis duodecim Tribubus sibi adjunxit, & in Regnum Æthiopiæ reversus, gubernatio-
nem ejus suscepit. Ac una etiam legem Domini, Circumcisionemque eodem importavit. Hæc primordia fuere
Religionis Judaicæ in Æthiopia, & aiunt in hodiernum usque diem ad aulicæ ministeria & canonicatus nullos
admitti, nisi de stirpibus ex Iudæa adductis oriundos. Ab his igitur propagata est doctrina de Deo in Æthio-
pia, & radices egit, ut ad omnes ætates consequentes permanarit. Nam & libros Propheticos retinuerunt
Æthiopes & Hierosolymam adorandi causa verum Deum patefactum in Regno Israelis profecti sunt. Quod
ex historia Eunuchi Candacis Reginæ, quæ *Judith* proprio nomine dicta est, profecti, intelligi potest. Is enim
circa annum a morte & resurrectione Iesu Christi, x. Hierosolymam cccxl. Milliarum itinere accessit. Cumq;
ibi officium & cultum Deo debitum tribuisset, & jam domum rediret, in curru sedens Prophetam Esaiam legit.
Itaque ad eum divino mandato missus fuit Philippus, Christi Discipulus. Et cum processissent ambo ad Urbem
Bethzur, tribus milliaribus ab Hierosolymis: ibi in radice Montis Fontem conspexit Eunuchus, cujus Aquis a
Philippo baptizatus est. Reversus vero in Æthiopiani Eunuchus baptizavit Reginā, & magnā familiæ regniæ &
populi partem. Ex quo Christiani ceperunt esse Æthiopes, fidemque Christianam omni sequenti tempore
professi sunt. In toto hoc Imperio urbes paucæ: ac vicatim habitatur. Præcipua regna ad Superiorem Æthiopiā
pertinentia, quæ ut plurimum Abissinorum Imperatori subjacent, sunt hæc sequentia. *Regnum Barnagis*: Hoc
fluvio Abanthi & mari Rubro clauditur: urbs primaria est *Beroa* seu *Barna* Ptolemao *Colone* dicta, ut Sanuto
placet: hic Regis vicarius degit: qui Abissinorum Regi cl. equos quotannis pro tributo pendit, cum serico
aliisque mercibus; *Bassa* vero Turcico mille uncias auri. *Tigremaon* Marabo fluvio proximum & mari rubro,
quotannis pendit suo Imperatori cc. equos ex Arabia advectos. Subest huic Regno Regnum *Tigras*, in quo est
urbs *Caxumo* seu *Cassimo*, sedes olim (ut in eorum annalibus est) *Regina Saba*: ac post etiam *Candaces* Reginæ.

Ango te

Angosa regnum numo caret, utuntur pro ea falis & ferri globulis. *Amara* nomen habet a Monte in quo Imperatoris Filii firmo & vigili praesidio servantur, ut defunctio Imperatore heres educatur. *Fluvii* in hoc Regno duo memorabiles per *Aethiopia* labentes *Abanhi*, qui *Astapus* Ptol. & *Tacassi* qui Ptol. *Astaboras*, in quem complures alii Amnes confluunt. Fons Abanhi est *Barcena Lacus* amplissimus sub *Aequinoctiali* jacens, in quo plures Insulae. Hic lacus est *Coloe Palus* Ptolemæi. Incolæ Christianam religionem profitentur, eorumque Fidei articuli præcipui sunt hi. Credunt in unum *Deum* Creatorem Cæli ac Terræ, in tres Personas distinctum. *Deum Patrem, Deum Filium* ex Patre ab æterno genitum: qui pro nobis carnem assumpsit mortuus est, & resurrexit; & *Deum Spiritum Sanctum*, ex Patre & Filio procedentem. Hæc summa est totius religionis. Vetus Testamentum cum Novo sic conjungunt, ut ritus nonnullos Iudaicos & Christianos sequantur. Infantes omnes masculos pariter & femellas, octavo ætatis die circumcidunt. Nullam tamen salutem circumcisioni adscribunt, quam in sola fide in Iesum Christum collocant. Sed ad quadragesimum diem masculos, ad octogesimum vero femellas, nisi aliqua ægritudo festinationem desideret, baptizant. Singulis annis Baptismum renovant, tam in adultis, quam in infantibus, proferentes hæc verba. *Ego te baptizo in nomine Patris, Filii & Spiritus Sancti*. Hunc morem a Majoribus acceptum sancte observant, non ut primum Baptismum extenuent, aut infirmant, sed ut a peccatis absolutionem singulis annis consequantur. Administrationem Cænæ Domini sub utraque specie observant, tam Laici, quam Clerici. Confirmationem & extremam Unctionem neque pro Sacramento habent, neque usurpare solent. Sabbathum æque ac diem Dominicum ab opere immune habent, veteri Christianorum more. Legis usum illum maximum esse putant, ut peccata nobis ostendat: servari vero a nullo mortalium posse excepto Iesu Christo, qui eam pro nobis implevit, credunt. Sanctos quidem amant & venerantur, sed non invocant. Mariam Christi Matrem magno honore afficiunt, non tamen adorant, neque opem ejus implorant. Concjugium Clericis & Presbyteris non minus quam Politicis permittitur. Omnem fornicationem & libidinem puniunt. Habent Patriarcham Ecclesiis præsentem, Virum respectæ Probitatis, gravem bonæ Doctrinæ & provectæ ætatis: cujus munus est Ecclesiasticos Status in unione conservare, Ecclesiasticam Disciplinam tueri, ac rebelles excommunicare, aliorumque Ecclesiasticorum electio, penes solum Regem manet.

Flumina.

Incolarum Mores.